

«Кәсіпкерлік мәселелері жөніндегі сараптамалық кеңестер туралы үлгі ережені бекіту туралы» Қазақстан Республикасы Үкіметінің 2006 жылғы 2 маусымдағы № 496 қаулысына өзгерістер мен толықтырулар енгізу туралы

Күшін жойған

Қазақстан Республикасы Үкіметінің 2012 жылғы 8 қарашадағы № 1417 Қаулысы. Күші жойылды - Қазақстан Үкіметінің 2015 жылғы 28 желтоқсандағы № 1090 қаулысымен

Ескерту. Күші жойылды - ҚР Үкіметінің 28.12.2015 № 1090 (01.01.2016 бастап қолданысқа енгізіледі) қаулысымен.

Қазақстан Республикасының Үкіметі **ҚАУЛЫ ЕТЕДІ:**

1. «Кәсіпкерлік мәселелері жөніндегі сараптамалық кеңестер туралы үлгі ережені бекіту туралы» Қазақстан Республикасы Үкіметінің 2006 жылғы 2 маусымдағы № 496 қаулысына (Қазақстан Республикасының ПҰАЖ-ы, 2006 ж., № 21, 204-құжат) мынадай өзгерістер мен толықтырулар е н г і з і л с і н :

көрсетілген қаулымен бекітілген Кәсіпкерлік мәселелері жөніндегі сараптамалық кеңестер туралы үлгі ережеде:

7-тармақтың бірінші бөлігі мынадай редакцияда жазылсын:

«7. Сараптамалық кеңестің жұмысын ұйымдық-техникалық қамтамасыз етуді мемлекеттік органның шешімі бойынша оның тиісті құрылымдық бөлімшесі болып табылатын сараптамалық кеңестің жұмыс органы жүзеге асырады.»;

мынадай мазмұндағы 7-1-тармақпен толықтырылсын:

«7-1. Нормативтік құқықтық актінің жобасына осы Ереженің 7-тармағының үшінші бөлігіне сәйкес мемлекеттік орган белгілеген мерзімде сараптамалық қорытынды ұсынылмаған жағдайда нормативтік құқықтық актінің жобасы ескертусіз келісілді деп есептеледі.»;

8 - тармақ алынып тасталсын;

13-тармақ мынадай редакцияда жазылсын:

«Сараптамалық кеңестің нормативтік құқықтық актінің жобасын қарауы отырыс өткізбестен, оны сараптамалық кеңестің мүшелеріне тарату жолымен жүзеге асырылуы мүмкін.

Қарау нәтижелері бойынша осы Ереженің қосымшасына сәйкес нысан бойынша сараптамалық кеңес төрағасының қолы қойылатын хаттама жасалады.

Аталған хаттама сарапшылар кеңесінің мүшелеріне жіберіледі және нормативтік құқықтық акті жобасының міндетті қосымшасы болып табылады.»;

14-тармақтың бірінші бөлігі мынадай редакцияда жазылсын:

«14. Сараптамалық қорытындылар жеке кәсіпкерлік субъектілерінің аккредиттелген бірлестіктері мүшелерінің жинақталған пікірін білдіреді, ұсынымдық сипатта болады және оларды қабылдағанға дейін, оның ішінде осы жобаны мүдделі мемлекеттік органдармен келесі әрбір келісу кезінде нормативтік құқықтық актінің жобасына міндетті қосымша болып табылады.»;

16-тармақ мынадай редакцияда жазылсын:

«16. Мемлекеттік орган сараптамалық қорытындымен келіспеген жағдайда жеке кәсіпкерлік субъектілерінің аккредиттелген бірлестіктеріне келіспеу себептерінің негіздемесі бар жауап жібереді. Негіздемесі бар мұндай жауаптар оларды қабылдағанға дейін нормативтік құқықтық актінің жобасына міндетті қосымша болып табылады.»;

осы қаулыға қосымшаға сәйкес қосымшамен толықтырылсын.

3. Осы қаулы алғашқы ресми жарияланғанынан кейін күнтізбелік он күн өткен соң қолданысқа енгізіледі.

Қазақстан Республикасының

Премьер-Министрі

С. Ахметов

Қазақстан

Республикасы

Үкіметінің

2012

жылғы

8

қарашадағы

№

1417

қаулысына

қосымша

Кәсіпкерлік

мәселелері

жөніндегі

сараптамалық

кеңестер

туралы

үлгі

ережеге

қосымша

Кәсіпкерлік мәселелері жөніндегі сараптамалық кеңестің

ХАТТАМАСЫ

(мемлекеттік органның атауы)

№ _____

_____ жылғы «__» _____

Күн тәртібі

Жеке кәсіпкерлік субъектілерінің аккредиттелген бірлестіктері _____

_____ қарауы _____ туралы

(нормативтік құқықтық акті жобасының атауы немесе қаралып отырған мәселе)

1. Сараптамалық қорытындыларды ескертулер мен ұсыныстарсыз ұсынғандар

:

(жеке кәсіпкерлік субъектілерінің аккредиттелген бірлестіктерінің атауы)

2. Сараптамалық қорытындыларды ескертулермен және ұсыныстармен ұсынғандар: _____

(жеке кәсіпкерлік субъектілерінің аккредиттелген бірлестіктерінің атауы,

ұсынылған ескертулер мен ұсыныстардың жалпы саны, олардың ішінде қабылданғаны/қабылданбағаны*)

3. Сараптамалық қорытынды ұсынған жоқ:

(жеке кәсіпкерлік субъектілерінің аккредиттелген бірлестіктерінің атауы)

4. _____

(ескертулер мен ұсыныстарды қабылдамау туралы ақпарат**)

Сараптамалық кеңестің төрағасы

Сараптамалық кеңестің хатшысы

Ескертпелер:

* - Мысалы: Еуразиялық өнеркәсіптік қауымдастығы – 10 (7/3)

** - Мұндай жағдайда, жеке кәсіпкерлік субъектілерінің аккредиттелген бірлестіктеріне жіберілген сараптамалық қорытындымен келіспеу себептерінің негіздемесі бар хаттың күні мен нөмірі көрсетіледі